

**ՀԱՄԱԳՈՐԾԱԿՑՈՒԹՅՈՒՆ ՄԻՋԱԶԳԱՅԻՆ
ԿԱԶՄԱԿԵՐՊՈՒԹՅՈՒՆՆԵՐԻՆ ԱՆԴԱՄԱԿՑՈՒԹՅԱՆ ՇՐՋԱՆԱԿՆԵՐՈՒՄ**

**ԿՈՂԵՔՍ ԱԼԻՄԵՆՏԱՐԻՈՒՄԻ ՀԱՆՁՆԱԺՈՂՈՎ
CODEX ALIMENTARIUS COMMISSION**

Կողեքս Ալիմենտարիուսի հանձնաժողովը՝ ՄԱԿ-ի պարենի և գյուղատնտեսության կազմակերպության (FAO) և ՄԱԿ-ի առողջապահության կազմակերպության (WHO) կողմից համատեղ ստեղծված կառույց է:

Կողեքս Ալիմենտարիուսը սննդամթերքի ստանդարտների և դրանց վերաբերող տեքստերի հավաքածու է, որոնք միջազգայնորեն ընդունված են և ներկայացված են միասնական տեսքով: Այս ստանդարտները նպատակ ունեն պաշտպանելու սպառողների առողջությունը և երաշխավորելու սննդամթերքի արդար առևտուրը: Կողեքս Ալիմենտարիուսն ընդգրկում է նաև մեթոդական ցուցումներ, ուղեցույցներ, կանոններ և այլ փաստաթղթեր:

1963 թվականին հիմնադրված Կողեքս Ալիմենտարիուսի հանձնաժողովը միջկառավարական մարմին է, որին անդամակցում են 188 պետություններ և 1 կազմակերպություն (Եվրամիություն): Հայաստանի Հանրապետությունն անդամակցում է կազմակերպությանը 1994թ. դեկտեմբերից:

Կողեքս Ալիմենտարիուսի հանձնաժողովի ենթակառուցվածքային մարմիններից են ընդհանուր հարցերով կոմիտեները, ապրանքային կոմիտեները և տարածաշրջանային համակարգող կոմիտեները:

Կողեքսի ստանդարտները վերաբերում են սննդամթերքի տարբեր տեսակներին, սննդի հիգիենային, սննդային հավելումներին, պեստիցիդների և անասնաբուժական դեղորայքի մնացորդային քանակներին, աղտոտիչներին, մակնշմանը, վերլուծության և նմուշառման մեթոդներին, ինչպես նաև սննդամթերքի ներմուծման և արտահանման վերահսկողության և հավաստագրման համակարգերին:

Կողեքսի համապատասխան կոմիտեները մշակում են Կողեքսի ստանդարտները դիսկերի վերլուծության կիրառմամբ և հիմք ընդունելով FAO/WHO-ի փորձագիտական մարմինների կողմից տրամադրվող անկախ գիտական խորհրդատվությունը:

Ռիսկերի վերլուծությունը գիտական հիմք է հանդիսանում Կողեքսի սննդամթերքի անվտանգության ստանդարտների մշակման համար: Կողեքսի ստանդարտները Առևտրի համաշխարհային կազմակերպության կողմից ճանաչվել են միջազգային հղումներ՝ սննդամթերքի անվտանգության ստանդարտների համար: